



Na osnovu člana 140. Poslovnika Skupštine Kantona Sarajevo („Službene novine Kantona Sarajevo“ broj: 41/12- Drugi novi prečišćen tekst, ,15/13 i 47/13), Skupština Kantona Sarajevo, na sjednici održanoj dana 12.11.2015. godine, donijela je slijedeći

ZAKLJUČAK

1. Utvrđuje se Nacrt zakona o izvršavanju Budžeta Kantona Sarajevo za 2016. godinu;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 28 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izvršavanju Budžeta Kantona Sarajevo za 2016. godinu.

Broj:01-02-29753/15
12.11.2015. godine
SARAJEVO



PREDSJEDAVAJUĆI
SKUPŠTINE KANTONA SARAJEVO

Sejo Bukva
Sejo Bukva



Na osnovu čl. 18. tačka b) i 38. stav (3) Ustava Kantona Sarajevo ("Službene novine Kantona Sarajevo" br: 1/96, 2/96, 3/96, 16/97, 14/00, 4/01, 28/04 i 06/13), Skupština Kantona Sarajevo, na sjednici održanoj dana 12.11.2015.godine, utvrdila je

NACRT

ZAKONA
O IZVRŠAVANJU BUDŽETA KANTONA SARAJEVO
ZA 2016. GODINU

I OPĆE ODREDBE

Član 1.

Ovim zakonom uređuje se: struktura prihoda i primitaka, te rashoda i izdataka Budžeta Kantona Sarajevo za 2016. godinu (u daljnjem tekstu: Budžet) i njegovo izvršavanje, prioriteta plaćanja, obim zaduživanja i garancija, upravljanje finansijskom i nefinansijskom imovinom, prava i obaveze korisnika budžetskih sredstava (u daljnjem tekstu: budžetski korisnik), nadležnosti Vlade Kantona Sarajevo (u daljnjem tekstu: Vlada), Ministarstva finansija Kantona Sarajevo (u daljnjem tekstu: Ministarstvo finansija) i ministra finansija Kantona Sarajevo (u daljnjem tekstu: ministar finansija) u izvršavanju Budžeta za tekuću godinu, kazne za neispunjavanje obaveza i druga pitanja u vezi s izvršavanjem Budžeta.

II STRUKTURA PRIHODA I PRIMITAKA

TE RASHODA I IZDATAKA

Član 2.

- (1) Budžet se sastoji od općeg i posebnog dijela i kapitalnog budžeta.
- (2) Opći dio Budžeta sastoji se od Računa prihoda i rashoda, Računa kapitalnih primitaka i izdataka i Računa finansiranja.
- (3) Posebni dio Budžeta sastoji se od računa rashoda, kapitalnih izdataka i izdataka iz računa finansiranja.
- (4) Kapitalni budžet čine izdavanja za kapitalne investicije po godinama i izvorima finansiranja.

Član 3.

(1) Račun prihoda i rashoda Budžeta sastoji se od:

1. Prihoda:

- a) poreznih prihoda,
- b) neporeznih prihoda:
 - administrativne i sudske takse,
 - naknade utvrđene kantonalnim propisima,
 - posebne naknade i novčane kazne,
 - prihoda ostvarenih obavljanjem osnovne djelatnosti i ostalih poslova budžetskih korisnika (u daljnjem tekstu: vlastiti prihodi),



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



- primljeni transferi, donacije i ostali prihodi.

2. Rashoda:

- plaće i naknade troškova zaposlenih,
- doprinosi poslodavca i drugi doprinosi,
- izdaci za materijal i usluge,
- tekući transferi,
- kapitalni transferi i
- izdaci za kamate.

3. Tekuće rezerve

(2) U računu finansiranja iskazuju se primici od finansijske i nefinansijske imovine, te izdaci za finansijsku imovinu.

(3) Višak prenesenih neutrošenih sredstava od direktnog zaduživanja iz prethodnih godina (domaći krediti)

III IZVRŠAVANJE BUDŽETA

1. Korištenje sredstava Budžeta

Član 4.

(1) Sredstva Budžeta osiguravaju se korisnicima koji su u Posebnom dijelu Budžeta određeni za nosioce sredstava na pojedinim pozicijama.

(2) Budžetski korisnici mogu sredstva Budžeta koristiti samo za namjene koje su utvrđene Budžetom, a u skladu sa svojim godišnjim finansijskim planom i prema dinamici utvrđenoj planom novčanih tokova i tromjesečnim i mjesečnim operativnim budžetima i planovima.

(3) Budžet se izvršava na osnovu mjesečnog plana alokacije raspoloživih budžetskih sredstava budžetskim korisnicima, koji odobrava ministar finansija, na osnovu plana novčanih tokova.

(4) Izuzetno, zbog neusklađenosti priliva sredstava u Budžet prema tromjesečnim i mjesečnim planovima novčanih tokova, Ministarstvo finansija može izmijeniti dinamiku doznake sredstava pojedinim budžetskim korisnicima.

2. Plan novčanih tokova

Član 5.

(1) Ministarstvo finansija nadležno je za planiranje tromjesečnih i mjesečnih novčanih tokova kojima se projecira priliv i odliv sredstava sa Jedinstvenog računa Trezora (u daljem tekstu: JRT) i koji predstavljaju osnovu za izvršavanje Budžeta.

(2) U svrhu izrade tromjesečnih i mjesečnih planova novčanih tokova Ministarstvo finansija – Sektor za Trezor (u daljem tekstu: Trezor) će, između ostalih, koristiti i slijedeće izvore podataka:

- krajnje stanje na JRT za prethodni period,
- prognoze o svim prihodima na JRT,
- prognoze otplate duga i
- prognoziranje svih rashoda i izdataka

3. Finansijski planovi

Član 6.



web: <http://skupstina.ks.gov.ba>

e-mail: sk@ks.gov.ba

Tel: + 387 (0) 33 562-055, Fax: + 387 (0) 33 562-210

Sarajevo, Reisa Džemaludina Čauševića 1



- (1) Na osnovu alokacije budžetskih sredstava i instrukcije Ministarstva finansija, budžetski korisnici pripremaju i podnose prijedloge operativnih budžeta Ministarstvu finansija.
- (2) Budžetski korisnici su obavezni Ministarstvu finansija dostavljati prijedloge mjesečnih i tromjesečnih finansijskih planova za izvršenje Budžeta 15 dana prije početka tromjesečja uzimajući u obzir utvrđenu dinamiku priliva i odliva sredstava, koji predstavljaju okvir za mjesečne finansijske planove koji će obuhvatati rashode za svaki mjesec. Rashodi svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koji je utvrdilo Ministarstvo finansija.
- (3) Ministarstva koja u svom razdjelu sadrže budžetske potrošačke jedinice – glave, dužna su izraditi prijedloge tromjesečnih finansijskih budžeta za njih i iste dostaviti Ministarstvu finansija.
- (4) Tromjesečne operativne planove izvršavanja Budžeta utvrđuje ministar finansija.
- (5) Ako budžetski korisnik Ministarstvu finansija ne podnese prijedlog tromjesečnog finansijskog budžeta, operativni plan za tog budžetskog korisnika predlaže Ministarstvo finansija.
- (6) Ministarstvo finansija obavijestit će budžetske korisnike o odobrenim operativnim planovima.
- (7) Ministarstvo finansija će jednom mjesečno, po zatvaranju perioda, objaviti na svojoj službenoj stranici raspored vlastitih prihoda, donacija i primljenih transfera budžetskih korisnika.

Član 7.

- (1) Budžetski korisnici ne mogu stvarati obaveze iznad iznosa odobrenog operativnog budžeta putem operativnih planova za tog budžetskog korisnika.
- (2) Rashodi i izdaci svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koje je utvrdilo Ministarstvo finansija, osim uz saglasnost Ministarstva finansija.
- (3) Ministar finansija ima pravo rješenjem obustaviti od izvršenja odluku koja je u suprotnosti sa Zakonom o budžetima u FBiH i ovim zakonom.
- (4) Budžetski korisnici doznačenih transfera ili zajmova dužni su dostaviti resornom ministarstvu izvještaj o namjenskom utrošku sredstava.
- (5) U slučaju da budžetski korisnici iz stava (4) ovog člana ne dostave izvještaj o namjenskom utrošku sredstava, neće imati pravo aplicirati za dodjelu sredstava u narednoj fiskalnoj godini.

Član 8.



Ministarstvo finansija prenosi neutrošena sredstva po pojedinim stavkama rashoda iz mjesečnog operativnog plana izvršavanja Budžeta na iste stavke u naredni mjesečni operativni plan izvršavanja Budžeta iste budžetske godine.

4. Dinamika izvršavanja

Član 9.

Budžet će se izvršavati po slijedećoj dinamici:

1. plaćanje obaveza po kreditima, reprogramiranim obavezama i povrata više ili pogrešno uplaćenih javnih prihoda na osnovu rješenja Porezne uprave FBiH i drugih organa,
 2. plaće, doprinosi, porezi i naknade zaposlenima,
 3. izdaci za materijal i usluge,
 4. tekući transferi,
 5. kapitalni transferi i
 6. izdaci za nabavku stalnih sredstava.
5. Sredstva tekuće rezerve

Član 10.

(1) Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve.

(2) Sredstva tekuće rezerve iznose do 3% ukupnih prihoda Budžeta, bez namjenskih prihoda, vlastitih prihoda i bez primitaka.

(3) O raspodjeli sredstava tekuće rezerve Budžeta odlučuje Vlada uz prethodno mišljenje Ministarstva finansija, a u skladu s kriterijima za upotrebu sredstava tekuće rezerve, utvrđenih u Odluci o kriterijima za raspodjelu sredstava iz tekuće rezerve Budžeta Kantona Sarajevo.

(4) Izuzetno od stava (3) ovog člana, korištenje sredstava tekuće rezerve do 100.000 KM kvartalno može odobriti Premijer Kantona.

(5) O korištenju sredstava tekuće rezerve Ministarstvo finansija podnosi Vladi tromjesečno izvještaj, a Vlada polugodišnje izvještava Skupštinu Kantona Sarajevo (u daljem tekstu: Skupština Kantona).

(6) Korisnik sredstava tekuće rezerve dužan je podnijeti izvještaj o utrošku sredstava, a neutrošeni dio odobrenih sredstava vratiti u tekuću rezervu.

(7) Odluka o utrošku sredstava tekuće rezerve objavljuje se u "Službenim novinama Kantona Sarajevo".

Član 11.



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



(1) Ako se tokom godine proširi nadležnost ili djelokrug budžetskog korisnika ili se osnuje novi budžetski korisnik što zahtjeva povećanje sredstava, sredstva za njegovu djelatnost obezbijedit će se iz sredstava tekuće rezerve Budžeta, a odobrava ih Vlada.

(2) Ako se u toku godine, na osnovu zakona i drugog propisa umanju djelokrug ili nadležnost budžetskog korisnika, što zahtjeva smanjenje sredstava, ili budžetski korisnik prestane postojati, neutrošena sredstva za njegove troškove, uz odobrenje Vlade, prenose se u tekuću rezervu Budžeta ili na budžetskog korisnika koji preuzme poslove.

6. Uplata prihoda i platne transakcije

Član 12.

(1) Svi prikupljeni i naplaćeni javni prihodi koji pripadaju Budžetu uplaćuju se na depozitni račun Budžeta.

(2) Obavljanje platnih transakcija vrši se preko transakcijskih računa koji su sastavni dio JRT.

(3) Potpisnici naloga platnih transakcija putem računa iz st. (1) i (2) ovog člana su: Premijer Kantona, ministar finansija ili lice koje ministar finansija ovlasti i pomoćnik ministra finansija za Trezor.

Član 13.

(1) Neiskorištene aproprijacije i opterećenja ističu 31. januara naredne godine.

(2) Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova, kao i za finansiranje projekata od posebnog značaja za razvoj privrede.

(3) Aproprijacije u svrhe finansiranja višegodišnjih kapitalnih projekata prenose se u narednu fiskalnu godinu prema iznosima i vremenskom rasporedu utvrđenom u Dokumentu okvirnog budžeta.

7. Prihodi od vlastite djelatnosti budžetskog korisnika, donacije, transferi, namjenski prihodi i kreditna sredstva

Član 14.

(1) Budžetski korisnici mogu koristiti vlastite prihode, donacije i transfere prema izvještaju Ministarstva finansija koji im se dostavlja do 15. u mjesecu za prethodni mjesec.

(2) Budžetski korisnici mogu koristiti vlastite prihode, donacije, namjenske prihode, transfere i kreditna sredstva na način i po postupku utvrđenom zakonima, uredbama i drugim podzakonskim aktima.

(3) Vlastiti prihodi, donacije, transferi i namjenski prihodi koji nisu planirani u Budžetu, a ostvare se u toku godine, na prijedlog budžetskog korisnika unositi će se i raspoređivati odlukom Vlade i postaju sastavni dio Budžeta, a odluka će se objaviti u "Službenim novinama Kantona Sarajevo".

(4) Donacije, tekući transferi i namjenski prihodi koji nisu utrošeni u 2015. godini razgraničavaju se i po usvajanju godišnjeg obračuna Budžeta Kantona Sarajevo za 2015. godinu (u daljnjem tekstu: Budžet za 2015. godinu) odlukom Vlade unose se u Budžet.



(5) Neutrošena sredstva primitaka od direktnog zaduživanja iz prethodnih godina (domaći dugoročni krediti) razgraničavaju se i po usvajanju godišnjeg obračuna Budžeta za 2015. godinu unose se u Budžet.

(6) Nadležna ministarstva i drugi budžetski korisnici odgovorni su za planiranje, prikupljanje i uplaćivanje vlastitih prihoda.

Član 15.

(1) Vlastiti prihodi, donacije, transferi i prihodi čija je namjena utvrđena posebnim propisima uplaćuju se na depozitni račun Budžeta.

(2) Vlastiti prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

8. Povrati

Član 16.

(1) Ukoliko se naknadno utvrdi da je isplata iz Budžeta izvršena nezakonito ili nenamjenski, budžetski korisnik je dužan odmah zahtjevati povrat budžetskih sredstava.

(2) Ako se nadzorom utvrdi da su sredstva korištena suprotno zakonu, ministar finansija donosi rješenje o povratu sredstava na JRT.

(3) Pogrešno ili više uplaćeni prihodi u Budžet vraćaju se uplatiocima s depozitnog računa na teret tih prihoda za tekuću godinu, a pogrešno ili više uplaćeni prihodi u Budžet prethodnih godina vrate se uplatiocima s transakcijskih računa iz sredstava planiranih u razdjelu Ministarstva finansija pozicija Ostali transferi - Povrati pogrešno uplaćenih sredstava na JRT.

(4) Rješenje o odobravanju povrata donosi ministar finansija, a na osnovu uvjerenja ili rješenja nadležnog kontrolnog organa.

(5) Budžetskom korisniku za koga je izvršen povrat pogrešno ili više uplaćenih vlastitih prihoda iz ranijih godina umanjit će se vlastiti prihodi u tekućoj godini za vraćeni iznos, preknjiženjem u Glavnoj knjizi Trezora s budžetskog korisnika na Trezor .

9. Preraspodjela sredstava

Član 17.

(1) Ministarstvo finansija jednom kvartalno može na prijedlog budžetskog korisnika donijeti odluku o preraspodjeli rashoda u okviru budžeta odobrenog za budžetskog korisnika, a najviše do 10% ukupno odobrenih rashoda i izdataka za tog budžetskog korisnika.

(2) Obim i vrstu rashoda za preraspodjelu sredstava utvrdiće ministar finansija.

(3) U okviru odobrenog Budžeta, preraspodjela sredstava iznimno je dozvoljena između budžetskih korisnika o čemu odlučuje Vlada na prijedlog Ministarstva finansija.

10. Izvršavanje plaća, tekućih i kapitalnih izdataka



Član 18.

- (1) Sredstva za plaće osiguravaju se budžetskim korisnicima na osnovu zakona i propisa kojima su regulisane plaće i naknade, a isplata se vrši samo do visine sredstava planiranih u Budžetu za te namjene.
- (2) Budžetski korisnici su dužni pomoćnim operativnim centrima (POC) i Ministarstvu finansija dostavljati rješenja o zasnivanju i prestanku radnog odnosa zaposlenika u roku od 8 dana od dana zasnivanja, odnosno prestanka radnog odnosa, kao i rješenja o prekovremenom radu do kraja tekućeg mjeseca.
- (3) Kontrolu platnih razreda i koeficijenata utvrđenih u rješenjima iz stava (2) ovog člana vršit će Glavni operativni centar (GOC).
- (4) Prekovremeni rad zaposlenika može trajati najviše osam sati sedmično, o čemu odlučuje rukovodilac rješenjem.
- (5) Ukoliko se u roku iz stava (2) ovog člana ne dostavi rješenje, Ministarstvo finansija neće vršiti obračun plaće i naknade zaposlenom.
- (6) Sredstva pozicija "Naknade troškova zaposlenih" doznačavat će se korisnicima u skladu s propisima.
- (7) Naknade za ugovorene usluge za rad u komisijama, grupama, savjetima, timovima i drugo, planirane na pozicijama tekući izdaci izvršavat će se u skladu s Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe.

Član 19.

Utrošak planiranih bruto plaća i naknada troškova zaposlenih i izdataka za materijal i usluge, transferi za povrat pogrešno ili više uplaćenih prihoda iz prethodnog perioda i izdataka za otplate dugova, kao i planiranih tekućih transfera i kapitalnih izdataka i kapitalnih transfera, izvršavat će se u skladu s članom 4. stav (2) ovog zakona.

Član 20.

- (1) Budžetski korisnici su dužni da se, u postupku nabavke robe, radova i usluga pridržavaju Zakona o javnim nabavkama, kao i procedura i postupaka propisanih podzakonskim aktima.
- (2) Ministarstvo finansija obustaviće unos obaveza i plaćanja ukoliko se utvrdi da nije provedena procedura iz stava (1) ovog člana, za čiju zakonitost je odgovoran budžetski korisnik.

Član 21.

- (1) Sredstva tekućih transfera, izuzev transfera pojedincima, transferisaće se mjesečno u iznosu do najviše 1/12 planiranih sredstava, zavisno od priliva sredstava u Budžet.

Član 22.

- (1) Sredstva namijenjena za finansiranje političkih partija, koalicija političkih partija, nezavisnih kandidata i parlamentarnih grupa u Skupštini Kantona, raspoređuju se tako da se:



web: <http://skupstina.ks.gov.ba>

e-mail: sks@ks.gov.ba

Tel: + 387 (0) 33 562-055, Fax: + 387 (0) 33 562-210

Sarajevo, Reisa Džemaludina Čauševića 1



- 30% sredstava dijeli jednako svim političkim partijama, odnosno koalicijama političkih stranaka koje su osvojile mandate,
- 60% sredstava dijeli prema broju poslaničkih, odnosno delegatskih mandata, koje svaka politička stranka, koalicija političkih stranaka, odnosno nezavisni kandidat, ima u trenutku dodjele mandata, a parlamentarnim grupama prema broju poslaničkih mandata,
- 10% od ukupnog iznosa raspoređuje se parlamentarnim grupama srazmjerno broju poslaničkih, odnosno delegatskih mjesta koja pripadaju manje zastupljenom polu.

(2) Sredstva za finansiranje udruženja izvršavaće se u okviru razdjela ministarstava na osnovu Javnog poziva, a po kriterijima koji su utvrđeni propisom Vlade.

(3) Sredstva tekućih transfera pojedincima i neprofitnim organizacijama dodjeljivaće se pojedinačnim odlukama, a u skladu s propisom Vlade.

11. Računovodstvo

Član 23.

(1) Svi budžetski korisnici dužni su voditi evidenciju pomoćnih knjiga i to: ulaznih faktura, izlaznih faktura, blagajne, stalnih sredstava, kredita, plaća, sitnog inventara, dnevnih i knjigu potraživanja.

(2) Budžetski korisnici koji se prijavljuju kao PDV obveznici obavezni su voditi posebne evidencije pomoćnih knjiga za ulazne i izlazne fakture, u kojima je prikazan ulazni i izlazni PDV.

Član 24.

(1) Ministarstva i drugi budžetski korisnici su obavezni primjenjivati budžetsko računovodstvo i Računovodstvene politike za budžetske korisnike i Trezor Kantona Sarajevo.

(2) Prihodi i primici priznaju se samo u onom periodu kada su mjerljivi i raspoloživi, odnosno kada su uplaćeni na JRT.

(3) Rashodi i izdaci priznaju se u onom periodu kada je obaveza nastala.

IV ZADUŽIVANJE I UPRAVLJANJE FINANSIJSKOM I NEFINANSIJSKOM IMOVINOM

1. Zaduživanje

Član 25.

(1) Kanton Sarajevo (u daljnjem tekstu: Kanton) može stvoriti obaveze po osnovu zaduživanja u skladu sa Zakonom o budžetima u Federaciji Bosne i Hercegovine i Zakonom o dugu, zaduživanju i garancijama u Federaciji Bosne i Hercegovine.

(2) Kanton se može dugoročno zaduživati i izdavati garancije u skladu s odredbama Zakona o dugu, zaduživanju i garancijama u Federaciji Bosne i Hercegovine.

(3) Kratkoročni dug može nastati samo radi privremenog finansiranja deficita nastalog iz gotovinskog toka i otplatit će se u fiskalnoj 2016. godini u kojoj zaduženje i nastaje, i ni u kom vremenskom periodu u toku tekuće fiskalne godine ne može preći 5% ostvarenih prihoda bez primitaka u prethodnoj fiskalnoj godini.



(4) Zaduživanje se može provesti na inostranom ili domaćem tržištu novca i kapitala do iznosa utvrđenog u Računu finansiranja Budžeta.

(5) Kanton se može zadužiti i putem emisije vrijednosnih papira.

(6) U slučaju da nije moguće ostvariti primitke po osnovu zaduživanja putem emisije vrijednosnih papira, moguća je promjena strukture u okviru datih izvora finansiranja, odnosno Kanton će se dugoročno zadužiti kod domaćih banaka, uz uslov da se ne pređe iznos zaduživanja utvrđen u Računu finansiranja Budžeta.

(7) U 2016. godini obaveze iz osnova tekućih otplata duga iznosit će 34.985.805,79 KM (glavnica).

2. Upravljanje imovinom

Član 26.

(1) Budžetski korisnik koji stekne nekretninu, obavezan je u roku od 30 dana od dana sticanja podnijeti zahtjev s potrebnom dokumentacijom Pravobranilaštvu Kantona Sarajevo (u daljnjem tekstu: Pravobranilaštvo) radi podnošenja prijedloga za upis nekretnine u zemljišne knjige.

(2) Pravobranilaštvo će sastaviti zemljišnoknjižni prijedlog i isti podnijeti nadležnom sudu radi upisa nekretnine u zemljišne knjige.

(3) Budžetski korisnik je dužan u roku 30 dana od dana dobivanja dokaza o upisu u zemljišne knjige svojim operativnim jedinicama dostaviti isti radi evidentiranja u Glavnoj knjizi Trezora.

Član 27.

(1) Kada budžetski korisnik stiče nekretninu bez naknade, Pravobranilaštvo podnosi zemljišnoknjižni prijedlog za upis nekretnine po prethodno dobijenoj saglasnosti od Vlade.

(2) Budžetski korisnik je dužan u roku 30 dana od dana dobivanja dokaza o upisu u zemljišne knjige nekretnine iz stava (1) ovog člana svojim operativnim jedinicama dostaviti isti radi evidentiranja u Glavnoj knjizi Trezora.

Član 28.

(1) Kada se sredstva Budžeta koriste za sanaciju, dokapitalizaciju ili kao udio u sredstvima pravnog lica, Kanton postaje vlasnikom u tim pravnim licima srazmjerno uloženim sredstvima.

(2) Imovinu iz vlasništva Kantona iz stava (1) ovog člana upisuje njen korisnik u svojoj evidenciji, a pravna lica upisuju Kanton kao vlasnika srazmjernog dijela kapitala.

(3) Evidenciju o imovini i vlasničkim udjelima iz st. (1) i (2) ovog člana vode korisnici i Ministarstvo prostornog uređenja, građenja i zaštite okoliša Kantona Sarajevo preko Uprave za geodetske i imovinsko-pravne poslove, a nalog s adekvatnom dokumentacijom, dostavljaju operativnoj jedinici radi finansijske evidencije imovine u Glavnoj knjizi Trezora.

V FINANSIJSKO IZVJEŠTAVANJE

Član 29.



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Ministarstvo finansija dužno je podnositi Vladi tromjesečne, polugodišnje i devetomjesečne finansijske izvještaje u roku 30 dana po isteku obračunskog perioda, a godišnji izvještaj do 15. aprila tekuće godine za prethodnu godinu.

Član 30.

(1) Budžetski korisnici su dužni, prema instrukcijama Ministarstva finansija, izraditi tromjesečne finansijske izvještaje s obrazloženjem koja se odnose na programske rezultate izvršavanja budžeta i godišnji obračun svog finansijskog plana za prethodnu godinu.

(2) Budžetski korisnici, vanbudžetski fondovi i javna preduzeća izrađuju i podnose kvartalne i godišnje izvještaje Ministarstvu finansija u skladu sa Pravilnikom o finansijskom izvještavanju i godišnjem obračunu Budžeta u Federaciji BiH («Službene novine FBiH», br: 69/14 i 14/15)

(3) Ministarstvo finansija je dužno podnositi Vladi i Federalnom ministarstvu finansija kvartalne izvještaje za Budžet u roku od 30 dana po isteku obračunskog perioda, a za IV kvartal do 15. marta tekuće godine, a godišnji izvještaj za Budžet do 31. marta tekuće godine za prethodnu godinu.

(4) Ministarstvo finansija kvartalne izvještaje za nivo općina i Grada Sarajeva dostavlja Federalnom ministarstvu finansija u roku od 30 dana po isteku obračunskog perioda, a za IV kvartal do 15. marta tekuće godine, a godišnje izvještaje dostavlja do 31. marta tekuće godine za prethodnu godinu.

(5) Općinske i gradska služba za finansije dužne su dostavljati Ministarstvu finansija izvještaje u skladu sa Zakonom o budžetima u FBiH.

Član 31.

Resorna ministarstva koja su nadležna za implementaciju razvojno-investicionih projekata iz Programa javnih investicija Kantona Sarajevo, finansiranih iz ino kreditnih sredstava, donatorskih sredstava i sredstava ino fondova, dužna su kvartalno dostavljati izvještaje Ministarstvu finansija o utrošku sredstava obuhvaćenih planom za 2016. godinu, po projektima.

Po završetku projekta resorna ministarstva obavezna su podnijeti završni izvještaj o projektu prema Instrukciji za propisivanje metodologije za podnošenje završnog izvještaja o završetku projekta („Službene novine Kantona Sarajevo broj: 14/13).

Član 32.

(1) Budžetski korisnici obavezni su izraditi godišnji obračun za prethodnu godinu i dostaviti ga Ministarstvu finansija u skladu sa Zakonom i drugim propisima, najkasnije do kraja februara tekuće godine.

(2) U slučaju da budžetski korisnik završni godišnji obračun ne podnese pravovremeno, Ministar finansija će privremeno obustaviti odobrenje rashoda sve dok se ne izvrši prijem godišnjeg obračuna.

(3) Ministarstvo finansija dužno je pravovremeno dostaviti Vladi izvještaj o izvršavanju Budžeta za prethodnu godinu koji Vlada podnosi na usvajanje Skupštini Kantona u roku šest mjeseci od završetka fiskalne godine.

(4) Izvještaj o izvršavanju Budžeta izrađuje se u skladu sa Zakonom o budžetima u Federaciji Bosne i Hercegovine.

Član 33.



web: <http://skupstina.ks.gov.ba>
e-mail: sks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



Vlada, na prijedlog nadležnih ministarstava, dva puta godišnje razmatra izvještaje o poslovanju vanbudžetskih korisnika.

VI NADZOR, KONTROLA I REVIZIJA BUDŽETA

Član 34.

(1) Nadzor zakonitosti, pravovremenosti i namjenskog korištenja budžetskih sredstava kod budžetskih korisnika i vanbudžetskih fondova, pravnih i fizičkih lica korisnika budžetskih sredstava i finansijskih planova vanbudžetskih korisnika, kao i nadzor nad korištenjem kreditnih sredstava na osnovu garancija, vrši budžetska inspekcija i nalaže mjere za otklanjanje utvrđenih nezakonitosti i nepravilnosti.

(2) Nadzor iz prethodnog stava ovog člana vrši se analizom finansijsko-računovodstvene dokumentacije na način utvrđen u čl. 79. do 85. Zakona o budžetima u FBiH i Uredbom o budžetskom nadzoru u FBiH.

(3) Budžetski korisnici su obavezni urediti sistem interne kontrole u skladu s međunarodnim standardima interne kontrole i organizovati internu reviziju u skladu sa Zakonom o internoj reviziji u javnom sektoru u Federaciji Bosne i Hercegovine.

(4) Reviziju Budžeta vrši Ured za reviziju budžeta – proračuna u Federaciji Bosne i Hercegovine u skladu sa zakonom.

VII TRANSPARENTNOST I JAVNOST BUDŽETA

Član 35.

U cilju obavještanja javnosti o upravljanju javnim приходima, periodični i godišnji izvještaji o izvršavanju Budžeta objavljuvat će se na službenoj stranici Ministarstva finansija u roku od deset dana od dana njihovog podnošenja.

VIII KAZNE ODREDBE

Član 36.

Novčanom kaznom od 1.000 KM do 3.000 KM kaznit će se za prekršaj nosilac izvršne vlasti nadležan za oblast finansija, odgovorno lice budžetskog korisnika, odgovorno lice vanbudžetskog fonda, ili drugo odgovorno lice, ako:

1. izvrši isplatu plaća i mjesečnih novčanih naknada korisnicima prava u visini iznad iznosa planiranih sredstava u budžetu za te namjene (član 18. ovog zakona),
2. ne primjenjuje sistem budžetskog računovodstva (član 23. ovog zakona),
3. ne osigura sistem interne kontrole u skladu s propisima (član 34. ovog zakona),
4. ne podnosi periodične finansijske izvještaje (čl. 29., 30., 31. i 32. ovog zakona),
5. ako vlastite prihode koristi suprotno propisima (član 14. ovog zakona),
6. ako koristi sredstva za kapitalna ulaganja i tekuće transfere prije provođenja procedura i postupaka propisanih Zakonom o javnim nabavkama Bosne i Hercegovine (član 20. ovog zakona).

Član 37.



Novčanom kaznom od 1.000 KM do 3.000 KM kazniće se za prekršaj odgovorno lice u Ministarstvu finansija i odgovorno lice budžetskog korisnika, ako:

1. vrši obračun i isplatu plaća i naknada uposlenika bez rješenja o zasnivanju, odnosno prestanku radnog odnosa i odobravanju isplate naknada, (član 18. ovog zakona),
2. ne omogući nesmetano vršenja budžetskog nadzora ili odbije dati budžetskom inspektoru na uvid svu potrebnu dokumentaciju.

IX PRELAZNE I ZAVRŠNE ODREDBE

Član 38.

Ovlašćuje se ministar finansija, da uz saglasnost Vlade, o provedbi ovog zakona donosi pravilnike, uputstva, naredbe i druge akte.

Član 39.

- (1) Na pitanja koja nisu regulisana ovim zakonom, primjenjivat će se Zakon o budžetima u Federaciji Bosne i Hercegovine.
- (2) U slučaju da drugi zakoni i propisi sadrže odredbe o načinu izvršavanja budžeta i pravima i obavezama korisnika budžetskih sredstava koje su u suprotnosti s ovim zakonom, primjenjivaće se odredbe ovog zakona.

Član 40.

Ovaj zakon stupa na snagu narednog dana od dana objavljivanja u "Službenim novinama Kantona Sarajevo", a primjenjivaće se od 01. januara 2016. godine.

Broj:01-02-29753/15
12.11.2015. godine
S A R A J E V O

PREDSJEDAVAJUĆI
SKUPŠTINE KANTONA SARAJEVO

Sejo Bukva



web: <http://skupstina.ks.gov.ba>
e-mail: skks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1



O b r a z l o ž e n j e

Ustavni osnov

Ustavni osnov za donošenje ovog zakona sadržan je u čl. 18.b) i 38. (3). Ustava Kantona Sarajevo kojim je utvrđeno da Skupština Kantona donosi zakone, te da se finansiranje funkcija Kantona vrši kroz Budžet koji donosi Skupština Kantona .

Razlozi za donošenje zakona

U skladu sa ustavnim opredjeljenjima, a u cilju obezbjeđivanja finansiranja funkcija Kantona iz Budžeta, neophodno je donijeti Zakon o izvršavanju Budžeta Kantona za 2016. godinu. Zakonom o budžetima u Federaciji Bosne i Hercegovine utvrđeno je da se Budžet izvršava u skladu sa Zakonom o izvršavanju Budžeta.

Važnija rješenja iz zakona

I Opće odredbe

U članu 1. utvrđeno je da se Zakonom o izvršavanju Budžeta Kantona Sarajevo za 2016 .godinu uređuje: struktura prihoda i primitaka, te rashoda i izdataka Budžeta Kantona Sarajevo za 2016.godinu i njegovo izvršavanje, prioriteta plaćanja, obim, zaduživanje, upravljanje finansijskom i nefinansijskom imovinom, prava i obaveze korisnika budžetskih sredstava, nadležnosti Vlade Kantona Sarajevo, Ministarstva finansija Kantona Sarajevo, i ministra finansija Kantona Sarajevo u izvršavanju Budžeta, sankcije za neispunjavanje obaveza i druga pitanja u vezi sa izvršavanjem Budžeta.

II Struktura Budžeta

Članom 2. regulisana je struktura Budžeta. Budžet se sastoji od općeg i posebnog dijela i kapitalnog budžeta. Opći dio Budžeta sastoji se od Računa prihoda i rashoda, Računa kapitalnih primitaka i izdataka i Računa finansiranja. Poseban dio Budžeta sastoji se od Računa rashoda, Kapitalnih izdataka, izdataka iz računa finansiranja.

Članom 3. regulisano je iz čega se sastoji račun prihoda i rashoda Budžeta.

III Izvršavanje Budžeta

Korištenje sredstava Budžeta

Članom 4. utvrđeno je da se sredstva Budžeta odobravaju korisnicima koji su u Budžetu određeni kao nosioci sredstava na pojedinim pozicijama, da korisnici sredstva Budžeta mogu koristiti samo za namjene utvrđene u Budžetu, a u skladu sa godišnjim finansijskim planom i prema dinamici utvrđenoj tromjesečnim i mjesečnim operativnim budžetima i planovima, te da se Budžet izvršava na osnovu mjesečnog plana alokacije raspoloživih sredstava koji odobrava Ministar finansija. Takođe je utvrđeno da se u slučaju neusklađenosti priliva sredstava u Budžet prema tromjesečnim i mjesečnim operativnim budžetima i planovima novčanih tokova može izmijeniti dinamika doznake sredstava korisnicima koju vrši Ministarstvo finansija.

2. Plan novčanih tokova

Članom 5. utvrđena je nadležnost Ministarstva finansija za planiranje i utvrđivanje tromjesečnih i mjesečnih novčanih tokova kojima se procijera priliv i odliv sredstava sa JRT i koji predstavljaju osnovu za izvršavanje Budžeta, te da će u svrhu izrade tromjesečnih i mjesečnih planova novčanih tokova Ministarstvo finansija – Sektor za Trezor između ostalih, koristiti i sljedeće izvore podataka: krajnje stanje na JRT za prethodni period, prognoze o svim prihodima na JRT, prognoze otplate duga i prognoziranje svih rashoda i izdataka.

Ovim članom je utvrđeno da Trezor na osnovu prikupljenih podataka utvrđuje plan novčanih tokova.

3. Finansijski planovi

Članom 6. utvrđena je obaveza korisnika da Ministarstvu finansija podnose prijedloge operativnih budžeta, te da tromjesečne finansijske budžete izvršenja Budžeta dostavljaju Ministarstvu finansija 15 dana prije početka tromjesečja, kao i da rashodi korisnika ne mogu prelaziti iznose alociranih sredstava koje je utvrdilo Ministarstvo finansija. Takođe je utvrđena obaveza ministarstava koja sadrže budžetske potrošačke jedinice da za svoje potrošačke jedinice utvrđuju mjesečne i tromjesečne finansijske planove i budžete i iste dostavljaju Ministarstvu finansija. Reguliše se da operativne budžete izvršavanja Budžeta utvrđuje ministar finansija. Istim članom propisuje se obaveza Ministarstva finansija da obavjesti korisnike o operativnim budžetima.

Ministarstvo finansija će jednom mjesečno, po zatvaranju perioda, objaviti na svojoj službenoj stranici raspored vlastitih prihoda, donacija i primljenih transfera budžetskih korisnika.

Članom 7. je utvrđeno da budžetski korisnici ne smiju stvarati obaveze iznad iznosa odobrenog operativnog budžeta putem operativnih planova za tog korisnika, da rashodi i izdaci svakog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koje je utvrdilo Ministarstvo finansija, osim uz saglasnost Ministarstva finansija.

Takođe je utvrđeno da Ministar finansija ima pravo rješenjem obustaviti od izvršenja odluku koja je u suprotnosti sa Zakonom o budžetima u FBiH i ovim Zakonom, te da su korisnici doznačenih transfera ili zajmova dužni dostaviti resornom ministarstvu izvještaj o namjenskom utrošku sredstava.

U slučaju da korisnici ne dostave izvještaj o namjenskom utrošku sredstava, neće imati pravo aplicirati za dodjelu sredstava u narednoj fiskalnoj godini.

Ovakva zakonska rješenja su usklađena sa Zakonom o budžetima u FBiH.

Članom 8. utvrđuje se da Ministarstvo finansija prenosi neutrošena sredstva po pojedinim stavkama rashoda iz mjesečnog operativnog plana izvršavanja na iste stavke u naredni mjesečni operativni plan izvršavanja Budžeta iste budžetske godine.

4. Dinamika izvršavanja

Dinamika izvršavanja Budžeta utvrđena je članom 9. i predstavlja rezultat stvarnih potreba, odnosno sadašnje prakse u izvršavanju.

5. Tekuća rezerva

Članom 10. regulisano je da se iz tekuće rezerve podmiruju hitni i nepredviđeni izdaci. Tekuća rezerva iznosi do 3% ukupnih prihoda Budžeta. Takođe, je utvrđeno da o raspodjeli sredstava tekuće rezerve

odlučuje Vlada, u skladu sa kriterijima za upotrebu sredstava tekuće rezerve, utvrđenih u Odluci o kriterijima za raspodjelu sredstava iz tekuće rezerve Budžeta Kantona Sarajevo. Ovim članom je utvrđen iznos korištenja rezerve koji može odobriti Premijer. Takođe je propisana obaveza Ministarstva finansija da Vladi podnosi tromjesečni izvještaj o korištenju sredstava tekuće rezerve, a da Vlada polugodišnje izvještava Skupštinu Kantona.

Propisana je obaveza korisnika sredstava tekuće rezerve da podnose izvještaj o utrošku sredstava, a da neutrošeni dio sredstava vrate u tekuću rezervu, kao i obaveza da se odluka o utrošku tekuće rezerve objavljuje u "Službenim novinama Kantona Sarajevo".

Članom 11. propisano je da će se iz tekuće rezerve Budžeta, uz odobrenje Vlade, obezbjediti sredstva za djelatnost korisniku koji se osnuje u toku godine, ili korisnika kojem se proširi nadležnost ili djelokrug. Takođe je utvrđeno da će se u slučaju ako se u toku godine umanju djelokrug ili nadležnost korisnika što zahtjeva smanjenje sredstava ili se korisnik ukine, neutrošena sredstva za njegove troškove uz odobrenje Vlade prenose se u tekuću rezervu Budžeta ili korisnika koji preuzme poslove.

6. Uplata prihoda, platne transakcije i povrati

Članom 12. regulisano je da se svi javni prihodi koji pripadaju Budžetu Kantona uplaćuju na depozitni račun Budžeta Kantona. Ovim članom je propisano da se preko transakcijskog računa vrši obavljanje platnih transakcija, te da su potpisnici naloga Premijer Kantona, ministar finansija ili lice koje ministar finansija ovlasti i pomoćnik ministra finansija za Trezor.

Članom 13. utvrđuje se da neiskorištene aproprijacije i opterećenja ističu naredne fiskalne godine. Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova, kao i za finansiranje projekata od posebnog značaja za razvoj privrede ili poboljšanja efikasnosti.

Aproprijacija u svrhe finansiranja višegodišnjih kapitalnih projekata prenose se na narednu fiskalnu godinu prema iznosima i vremenskom rasporedu utvrđenom u Dokumentu okvirnog budžeta, što je s aspekta značaja finansiranja i opravdanosti višegodišnjih ulaganja u kapitalne projekte opravdano.

7. Prihodi od vlastite djelatnosti, donacije, transferi, namjenski prihodi i kreditna sredstva

Članom 14. reguliše se način korištenja prihoda od vlastite djelatnosti, donacija, transfera, namjenskih prihoda i kreditnih sredstava.

Takođe se obavezuju korisnici da prihod od vlastite djelatnosti, donacija, transfere, namjenske prihode i kreditna sredstva koriste na način i po postupku utvrđenim u zakonima, uredbama i drugim podzakonskim aktima.

Ovim članom je utvrđeno da vlastiti prihodi, donacije, transferi i namjenska sredstva koji nisu planirani u Budžetu, a ostvare se u toku godine, na prijedlog resornog ministra, će se na prijedlog budžetskog korisnika unositi i raspoređivati odlukom Vlade i postaju sastavni dio Budžeta, a odluka će se objaviti u "Službenim novinama Kantona Sarajevo".

Istim članom stav (4), utvrđuje se da će se neutrošena sredstva iz 2015. godine od donacija, tekućih transfera i namjenskih prihoda prenositi odlukom Vlade u Budžet za 2016. godinu.

Odgovornost korisnika za potpuno i pravovremeno prikupljanje i propisno uplaćivanje vlastitih prihoda utvrđeno je stavom (6) ovog člana.

Članom 15. regulisano je da se vlastiti prihodi, transferi i prihodi čija je namjena utvrđena posebnim propisima uplaćuju na depozitni račun Budžeta. Istim članom je regulisano da se vlastiti prihodi moraju utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

8. Povrati

Članom 16. regulisano je da se u slučaju da se naknadno utvrdi da je isplata iz Budžeta izvršena nezakonito ili nanamjenski, budžetski koprisknik je dužan odmah zahtjevati povrat budžetskih sredstava, te da, ako se nadzorom utvrdi da su sredstva korištena suprotno zakonu, Ministar finansija donosi rješenje o povratu sredstava na JRT.

Takođe je utvrđeno da se pogrešno ili više uplaćeni prihodi u Budžet vraćaju uplatiocima sa depozitnog računa na teret tih prihoda za tekuću godinu, a prihodi koji su uplaćeni u prošlim godinama vraćaju se uplatiocima sa transakcijskih računa iz sredstava planiranih u razdjelu Ministarstva finansija pozicija Povrat pogrešnih uplata, te da rješenja o povratu donosi Ministar finansija, što je u skladu sa Pravilnikom o procedurama za povrat više ili pogrešno uplaćenih javnih prihoda sa Jedinistvenog računa Trezora Kantona Sarajevo.

9. Preraspodjela sredstava

Članom 17. utvrđeno je da Ministarstvo finansija na prijedlog budžetskog korisnika može jednom kvartalno donijeti odluku o preraspodjeli rashoda, najviše do 10% ukupno odobrenih rashoda za budžetskog korisnika, te da će obim i vrstu raspodjele utvrditi Ministar finansija.

Takođe je ovim članom regulisano da je preraspodjela sredstava iznimno dozvoljena između korisnika, o čemu odlučuje Vlada na prijedlog Ministarstva finansija. Ovakvim rješenjima data je mogućnost preraspodjele sredstava, a u svrhu finansiranja potreba svakog korisnika.

10. Izvršavanje plaća, tekućih i kapitalnih izdataka

Članom 18. Utvrđeno je da se sredstva za plaće osiguravaju budžetskim korisnicima na osnovu zakona i propisa kojima su regulisane plaće i naknade, takođe je regulisano da su korisnici dužni POC-u i Ministarstvu finansija dostavljati rješenja o zasnivanju i prestanku radnog odnosa u roku od 8 dana od dana zasnivanja, odnosno prestanka radnog odnosa,

kao i rješenja o prekovremenom radu, a radi potpune kontrole u sistemu Centralizovanog obračuna plaća. Istim članom je regulisano da kontrolu platnih razreda i koeficijenata utvrđenih u rješenjima vrši GOC.

Regulisano je da prekovremeni rad može trajati najviše osam sati sedmično, zatim da će se sredstva pozicije naknade troškova zaposlenih doznačavati u skladu sa propisima, a naknade za rad u komisijama u skladu sa odlukom Vlade Kantona.

Članom 19. regulisano je da se sredstva za planirane bruto plaće i naknade troškova uposlenih i izdaci za materijal i usluge, izdaci za otplate dugova, transferi za povrat više uplaćenih prihoda iz prethodnog perioda, kao i planiranih tekućih i kapitalnih transfera koriste prema finansijskim operativnim budžetima, odnosno prema tromjesečnim i mjesečnim operativnim budžetima.

Članom 20. utvrđeno je da su korisnici u postupku nabavke roba, radova i usluga obavezni primjenjivati Zakon o javnim nabavkama Bosne i Hercegovine.

Članom 21. utvrđeno je da će se sredstva tekućih transfera doznačavati korisnicima zavisno od priliva sredstava u Budžet, najviše 1/12 mjesečno planiranih sredstava, izuzev transfera pojedinicima.

Članom 22. utvrđeno je finansiranje političkih partija i koalicija i parlamentarnih grupa zastupljenih u Skupštini Kantona na slijedeći način:

Sredstva namjenjena za finansiranje političkih partija, koalicija političkih partija, nezavisnih kandidata i parlamentarnih grupa zastupljenih u Skupštini Kantona Sarajevo, raspoređuju se tako da se:

- 30% sredstava dijeli jednako svim političkim partijama, odnosno koalicijama političkih stranaka koje su osvojile mandate,

-60% sredstava dijeli prema broju poslaničkih, odnosno delegatskih mandata, koje svaka politička stranka, koalicija političkih stranaka, odnosno nezavisni kandidat, ima u trenutku dodjele mandata, a parlamentarnim grupama prema broju poslaničkih mandata,
-10% od ukupnog iznosa raspoređuje se parlamentarnim grupama srazmjerno broju poslaničkih, odnosno delegatskih mjesta koja pripadaju manje zastupljenom polu.
Ova podjela sredstava usklađena je s Zakonom o finansiranju političkih stranaka („Službeni glasnik BiH“, broj: 95/12).

Kriteriji za raspoređivanje sredstava za finansiranje udruženja i pojedinaca, utvrđeni su propisom Vlade.

11. Računovodstvo

Članom 23. regulisano je da su svi korisnici dužni voditi evidenciju pomoćnih knjiga i to: ulaznih faktura, izlaznih faktura, blagajne, stalnih sredstava, kredita, plaća, sitnog inventara, dnevnik i knjigu potraživanja, a korisnici koji se prijavljuju kao PDV obveznici obavezni su voditi posebne evidencije pomoćnih knjiga za ulazne i izlazne fakture, u kojima je prikazan ulazni i izlazni PDV, što je u skladu sa Zakonom o PDV-u.

Članom 24. regulisano je da su ministarstva i korisnici obavezni primjenjivati budžetsko računovodstvo uz poštivanje računovodstvenih načela i Računovodstvene politike.

IV Zaduživanje i upravljanje finansijskom i nefinansijskom imovinom

Članom 25. regulisano je da Kanton može stvoriti obaveze po osnovu zaduživanja u skladu s Zakonom o budžetima u Federaciji Bosne i Hercegovine. Obzirom da je stupio na snagu Zakon o dugu, zaduživanju i garancijama u Federaciji Bosne i Hercegovine ("Službene novine FBiH", br: 86/07, 24/09 i 44/10) kojim je utvrđen način zaduživanja, to se u Zakonu utvrđuje da se Kanton može zaduživati, izdavati garancije.

Takođe se predlaže da kratkoročni dug može nastati samo radi privremenog finansiranja deficita nastalog iz gotovinskog toka i otplatit će se u fiskalnoj 2016. godini u kojoj zaduženje i nastaje, i ni u kom vremenskom periodu u toku tekuće fiskalne godine ne može preći 5% ostvarenih prihoda bez primitaka u prethodnoj fiskalnoj godini.

Zaduživanje se može provesti na inostranom ili domaćem tržištu novca i kapitala do iznosa utvrđenog u Računu finansiranja Budžeta. Istim članom je propisano da se Kanton može zadužiti i putem emisije vrijednosnih papira.

U slučaju da nije moguće ostvariti primitke po osnovu zaduživanja putem emisije vrijednosnih papira, moguća je promjena strukture u okviru datih izvora finansiranja, odnosno Kanton će se dugoročno zadužiti kod domaćih banaka, uz uslov da se ne pređe iznos zaduživanja utvrđen u Računu finansiranja Budžeta. U istom članu je dat iznos obaveze iz osnova tekućih otplata duga u 2016. godini, te da će isti iznositi 34.985.805,79 KM (glavnica).

Upravljanje imovinom

Članovima 26., 27. i 28. regulisano je upravljanje državnom imovinom u smislu obaveze podnošenja zahtjeva Pravobranilaštvu Kantona Sarajevo za dalje aktivnosti na uknjižbi vlasništva u zemljišnim knjigama. Utvrđuje se obaveza vođenja evidencije o imovini u Ministarstvu prostornog uređenja,

građenja i zaštite okoliša Kantona Sarajevo preko Uprave za geodetske i imovinsko-pravne poslove, te obaveza dostavljanja dokumentacije radi evidencije u Glavnoj knjizi trezora.

V Finansijsko izvještavanje

Članom 29. regulisano je finansijsko izvještavanje o izvršavanju Budžeta i to na sljedeći način: Ministarstvo finansija dužno je podnositi Vladi tromjesečne, polugodišnje i devetomjesečne finansijske izvještaje u roku od 30 dana po isteku obračunskog perioda, a godišnji izvještaja do 15. aprila tekuće godine za prethodnu godinu.

Članom 30. regulisano je da su budžetski korisnici dužni, prema instrukcijama Ministarstva finansija, izraditi tromjesečne finansijske izvještaje s obrazloženjem koja se odnose na programske rezultate izvršavanja budžeta i godišnji obračun svog finansijskog plana za prethodnu godinu, te da budžetski korisnici, vanbudžetski fondovi i javna preduzeća izrađuju i podnose kvartalne i godišnje izvještaje Ministarstvu finansija u skladu sa Pravilnikom o finansijskom izvještavanju i godišnjem obračunu Budžeta u Federaciji BiH («Službene novine FBiH», br: 69/14 i 14/15). Istim članom je regulisano da je Ministarstvo finansija dužno podnositi Vladi i Federalnom ministarstvu finansija kvartalne izvještaje za Budžet u roku od 30 dana po isteku obračunskog perioda, a za IV kvartal do 15. marta tekuće godine, a godišnji izvještaj za Budžet do 31. marta tekuće godine za prethodnu godinu, te da kvartalne izvještaje za nivo općina i Grada Sarajeva dostavlja Federalnom ministarstvu finansija u roku od 30 dana po isteku obračunskog perioda, a za IV kvartal do 15. marta tekuće godine, a godišnje izvještaje dostavlja do 31. marta tekuće godine za prethodnu godinu.

Općinske i gradska služba za finansije dužne su dostavljati Ministarstvu finansija izvještaje u skladu sa Zakonom o budžetima u FBiH.

Članom 31. utvrđuje se obaveza resornih ministarstva koja su nadležna za implementaciju razvojno-investicionih projekata iz Programa javnih investicija Kantona Sarajevo, finansiranih iz Ino kreditnih sredstava, da kvartalno dostavljaju izvještaje Ministarstvu finansija o utrošku sredstava obuhvaćenih planom za 2015. godinu, po projektima, kao i obaveza resornih ministarstava da podnesu završni izvještaj o projektu prema Instrukciji za propisivanje metodologije za podnošenje završnog izvještaja o završetku projekta („Službene novine Kantona Sarajevo broj: 14/13).

Članom 32. regulisano je da su buudžetski korisnici obavezni izraditi godišnji obračun za prethodnu godinu i dostaviti ga Ministarstvu finansija u skladu sa zakonom i drugim propisima, najkasnije do kraja februara tekuće godine, te u slučaju da budžetski korisnik završni godišnji obračun ne podnese pravovremeno, Ministar finansija će privremeno obustaviti odobrenje rashoda sve dok se ne izvrši prijem godišnjeg obračuna.

Istim članom je utvrđeno da je Ministarstvo finansija dužno pravovremeno dostaviti Vladi izvještaj o izvršavanju Budžeta za prethodnu godinu koji Vlada podnosi na usvajanje Skupštini Kantona u roku šest mjeseci od završetka fiskalne godine.

Članom 33. regulisano je da Vlada na prijedlog nadležnih ministarstava dva puta godišnje razmatra izvještaje o poslovanju vanbudžetskih korisnika.

VI Nadzor, kontrola i revizija Budžeta

Članom 34. regulisano je da reviziju Budžeta vrši Ured za reviziju budžeta – proračuna u Federaciji Bosne i Hercegovine u skladu sa zakonom, a nadzor nad korištenjem sredstava od strane korisnika

obavlja Ministarstvo finansija – Budžetska inspekcija na način kako je to utvrđeno u Zakonu o budžetima u FBiH.

Ovim članom je takođe utvrđeno da su korisnici obavezni urediti sistem interne kontrole u skladu sa međunarodnim standardima interne kontrole i organizovati internu reviziju u skladu sa Zakonom o budžetima u Federaciji BiH i Uredbom o budžetskom nadzoru u FBiH.

VII Transparentnost i javnost Budžeta

Članom 35. regulisano je da će se, u cilju obavještanja javnosti o upravljanju javnim prihodima, izvršavanje Budžeta objavljivati ukupno i po korisnicima i to: godišnje u "Službenim novinama Kantona Sarajevo", a polugodišnji izvještaji na službenoj stranici Ministarstva finansija.

VIII Kaznene odredbe

Čl. 36.i 37. utvrđene su novčane kazne za prekršaje odgovornom licu korisnika Budžeta, što je u skladu sa Zakonom o prekršajima.

IX Prelazne i završne odredbe

Članom 38. ovlašćuje se Ministar finansija da donosi podzakonske akte.

Član 39. reguliše da se na sva pitanja koja nisu obuhvaćena ovim zakonom primjenjuje Zakon o budžetima u Federaciji Bosne i Hercegovine, kao i u slučaju da drugi zakoni i propisi sadrže odredbe o načinu izvršavanja budžeta i pravima i obavezama korisnika budžetskih sredstava koje su u suprotnosti s ovim zakonom, primjenjivaće se odredbe ovog zakona.

Članom 40. utvrđuje se stupanje na snagu zakona.

Donošenjem Zakona o izvršavanju Budžeta Kantona Sarajevo za 2016.godinu stvoriti će se uslovi za zakonito, blagovremeno i transparentno izvršavanje Budžeta.